

rátur pro turtúribus sacrificium castitátis, et pro pullis columbárum innocéntiæ sacrificium.

Quod sequitur, dicit submissa voce legendo, ita tamen, quod a circumstantibus audiri possit:

Per Dóminum nostrum Jesum Christum Fílium tuum: Qui tecum vivit, et regnat in unitáte Spíritus sancti Deus, per ómnia sæcula sæculórum. **R.** Amen.

Præfatione finita, Pontifex, accepta mitra, inungit cum pollice dexteræ manus Chrismate intincto, frontem altaris in modum crucis, inchoans, schola seu ministris prosequentibus, Antiphonam:

Confirma hoc, Deus, quod operátus es in nobis, a templo sancto tuo, quod est in Jerúsalem, allelúja.

Ps. 67. Exsúrgat Deus. pag. 75.

Quo dicto, Pontifex, deposita mitra, dicit:

Orémus.

Majestátem tuam, Dómine, humíliter implorámus, ut altáre hoc sacræ unctiónis libámine ad suscipiéndam pópuli tui múnere inunctum poténter bene ✠ dicere et sancti ✠ ficare dignéris; ut quod nunc a nobis indignis, sub tui nóminis invocatióne, in honórem beatíssimæ Virgínis Mariæ, et ómnium Sanctórum, atque in memóriam sancti tui **N.** sacrosánci Chrismatis unctiône delibútum est, pláceat tibi, atque altáre máneat perpétuum; ut quicquid deinceps super illud oblátum sacratúmve fúerit, dignum tibi fiat holocáustum, atque ómnium hic offeréntium sacrificia a te pio Dómino benigne suscipiántur, et per ea víncula peccatórum nostrórum absolvántur, máculæ deleántur; véniæ impetréntur; et grátiae acquirántur: quatenus una cum Sanctis, et Eléctis tuis vitam percípere mereámur ætérnam. Per Christum Dóminum nostrum. **R.** Amen.

Tum Pontifex, accepta mitra, cum pollice dexteræ manus Chrismate intincto, inungit in modum crucis conjunctiones mensæ seu tabulæ altaris et tituli, sive stípitis, in quatuor angulis, quasi illa conjungens, ad singulas cruces dicens:

In nómine Pa ✠ tris, et Fí ✠ lii, et Spíritus ✠ sancti.

Deinde deposita mitra, dicit:

Orémus.

Súplices te deprecámur, omnipotens ætérne Deus, per unigénitum Fílium tuum Dóminum nostrum Jesum Christum, ut altáre hoc sanctis úsibus præparátum, cœlesti bene ✠ dictione sanctifices; et, sicut Melchisedech sacerdotis præcipui oblatiõem dignatiõem mirábili suscepisti, ita impósita huic novo altári múnere, semper accépta ferre dignéris: ut pópulus, qui in hanc Ecclésiæ domum sanctam convéniet, per hæc libámina cœlesti sanctificatiõem salvátus, animárum quoque suárum salutem perpétuam consequátur. Per eúdem Christum Dóminum nostrum. **R.** Amen.

Post hæc Subdiaconi abstergunt diligenter cum mantilibus telæ grossæ mensam altaris; et Pontifex accedit ad sedem suam juxta altare, in qua cum mitra sedens fricat bene manus cum medulla panis, ac lavat, et extergit. Quo facto, Subdiaconis seu Acolythi præsentantibus ipsi Pontifici tobaleas novas et mundas, ac vasa, et ornamenta ad cultum Dei, et altaris consecrati pertinentia, Pontifex, deposita mitra, surgit, et stans benedicit illa, dicens:

BENEDICTIO TOBALEARUM,

VASORUM, ET ORNAMENTORUM ALTARIS CONSECRATI.

V. Adjutórium nostrum in nómine Dómini.

R. Qui fecit cœlum et terram.

V. Dóminus vobíscum. **R.** Et cum spíritu tuo.

Orémus.

Omnipotens, et miséricors Deus, qui ab initio utilia et necessariá homínibus creásti, quique per famulum tuum Móysen vestiménta pontificália, et sacerdotália, seu levítica Sacerdotibus, et Levítis, atque ornámata et linteámina fácere famulum tuum Móysen per quadraginta dies docuísti, atque étiam quæ Maria téxuit et fecit, in usum ministérii tabernáculi fœderis ordinásti, purificáre, bene ✠ dicere, sancti ✠ ficare, et conse ✠ crare per nostræ humilitátis servítium dignéris hæc ornámata et linteámina in usum altáris tui, ut divinis cúltribus et sacris mystériis apta exsistant, hisque confectióri Córporis et Sánguinis Jesu Christi Fílii tui Dómini nostri dignis pareátur famulátibus: Qui tecum vivit et regnat in unitáte Spíritus sancti Deus, per ómnia sæcula sæculórum.

R. Amen.

Deinde aspergit illa aqua benedicta. Tum ministri ponunt super altare Chrismale, sive pannum lineum ceratum, ad mensuram altaris factum, deinde vestiunt altare tobaleis, et ornamentis benedictis, ponentes desuper crucem, et alia ornamenta. Interim Pontifex stans ibidem, inchoat Antiphonam primam, schola seu ministris prosequentibus ipsam, et alias Antiphonas sequentes, et Responsoria cum suis Versibus, et Psalmis:

Antiphona.

Circúmdate, Levítæ, altáre Dómini Dei, vestíte vestiméntis albis, estóte et vos canétes hymnum novum dicétes, allelúja.

V. Mirábilis Deus in Sanctis suis, et sanctus in ómnibus opéribus suis.

Glória Patri, et Fílio, et Spíritui sancto.

Sicut erat in princípío, et nunc, et semper, et in sæcula sæculórum. Amen.

Alia Antiphona:

Circúmdate Sion, et complectímmini eam, narráte in túrribus ejus. **V.** Magnus Dóminus et laudábilis nimis, in civitate Dei nostri, in monte sancto ejus.

Deinde dicitur Responsorium:

Induit te Dóminus túnica jucunditátis, et impósuit tibi corónam. * Et ornávit te ornáméntis sanctis.

℣. Luce spléndida fulgébis, et omnes fines terræ adorábunt coram te. * Et ornávit te.

℣. Natiónes ex longínquo ad te vénient, et múnera deferéntes adorábunt Dóminum; et terram tuam in sanctificatióne habébunt, et nomen magnum tuum invocábunt. * Et ornávit te.

℣. Benedícti erunt, qui te ædificavérunt: tu autem lætáberis in filiis tuis, quóniam omnes benedicéntur, et congregabúntur ad Dóminum. * Et ornávit te.

Et non dicitur Glória Patri, sed sequens Antiphona dicitur:

In velaménto alárum tuárum prótege nos, Dómine, et in laude tua gloriémur.

Psalmus 62. Deus, Deus meus, * ad te de luce vígilo.

Et dicitur totus prout habetur supra, pag. 158. cum Glória Patri, in fine.

Finito Psalmo, Pontifex, deposita mitra, ascendit ad altare, et facta cruci super altare positæ reverentia, incipit, schola seu ministris prosequentibus, Antiphonam:

Omnis terra * adóret te Deus, et psallat tibi: psalmum dicat nómini tuo Dómine.

Interim dum Antiphona cantatur, Pontifex incensat super altare in modum crucis; et Antiphona finita, Pontifex eam reincipit, et schola prosequitur; et interim iterum ipse Pontifex super altare in modum crucis incensat, quod et tertio facit: quo facto, stans ante medium altaris, dicit:

Orémus.

Descéndat, quæsumus Dómine Deus noster, Spíritus tuus sanctus super hoc altáre, qui et dona nostra, et pópuli tui in eo sanctíficet, et suméntium corda dignánte emúndet. Per Christum Dóminum nostrum. **R.** Amen.

Orémus.

Omnípotens sempitérne Deus, altáre hoc nómini tuo dedicátum coeléstis virtútis bene ✠ dictione sanctífica; et ómnibus in te sperántibus auxilií tui munus osténde; ut hic Sacramentórum virtus, et votórum obtineátur efféctus. Per Dóminum nostrum Jesum Christum Fílium tuum: Qui tecum vivit, et regnat in unitáte Spíritus sancti Deus, per ómnia sæcula sæculórum. **R.** Amen.

℣. Dóminus vobíscum. **R.** Et cum spírítu tuo.

℣. Benedicámus Dómino. **R.** Deo grátias.

Quo dicto, Pontifex accedit ad sacristiam, sive sacrarium, ubi, deposito pluviali, parat se ad celebrandam Missam, si voluerit, vel facit per aliquem Sacerdotem in dicto altari consecrato solemniter celebrari. Missa dicitur ut in Missali, in ipsa die Dedicationis Altaris.

Finita Missa, Pontifex dat benedictionem solemnem, et indulgentias; exiit se sacris vestibibus, et vadit in pace.

DE CONSECRATIONE ALTARIS, CUJUS SEPULCHRUM RELIQUIARUM EST IN MEDIO SUMMITATIS STIPITIS.

Rordo prædictus consecrandi altare semper servatur, quando sepulchrum Reliquiarum est in medio tabulæ altaris, a parte superiori, vel in stipite a parte anteriori, aut posteriori. Si vero sepulchrum est in medio summitatis stipitis, supra autem sit ponenda ipsa tabula, sive mensa altaris; finita aquæ benedictione, cum vino, et cinere, ut supra, pag. 131. atque Oratione.

Omnípotens sempitérne Deus, creátor, et conservátor humáni géneris, etc. pag. 132.

Pontifex stans cum mitra, et aqua benedicta hujusmodi, vino et cinere mixta, facit maltam, sive cæmentum ex calce, et sabulo, seu tegula trita ad hoc paratis, quod deinde, deposita mitra, benedicit, dicens:

℣. Dóminus vobíscum. **R.** Et cum spírítu tuo.

Orémus.

Summe Deus, qui summa, et média, ímaque custódis, qui omnem creatúram intrínsecus ambiéndo conclúdis, sanctí ✠ fica, et béne ✠ dic has creatúras calcis, et sábuli. Per Christum Dóminum nostrum.

R. Amen.

Quo facto, tabula ipsa altaris a stipite separata jacente, debet fieri Reliquiarum deportatio, et inclusio, Pontifice processionaliter accedente ad locum, ubi Reliquiæ sunt depositæ, in quo Pontifex stans ab extra sine mitra, dicit:

Orémus. Et ministri: **Flectámus génua. R.** Leváte.

Aufer a nobis, quæsumus, etc. ut supra. p. 164. et continuans per omnia usque ad Conse ✠ crétur, et sancti ✠ ficétur, hæc tabula, inclusive, prout supra ordinatum est, pag. 165. Quibus dictis, Sacerdotes et Levitæ elevant aram, sive tabulam, seu mensam altaris, et collocant eam super stipitem; et cæmentarii cum dicto cæmento benedicto ipsam liniunt, et firmant, schola interim cantante, seu ministris dicentibus Responsorium:

Vos Sacerdótes et Levitæ sanctificámini. * Et afférte aram Dómini Dei Israél ad locum qui ei parátus est. ℣. Vos sancti Dómini vocabímmini, ministri Dei nostri: dicétur vobis, sit timor Dei vobíscum, et cum diligéntia cuncta fácite. **Et afférte.**

Levata itaque ara, et collocata, ac cum cæmento prædicto bene firmata, Pontifex inchoat Antiphonam: Sub altáre Dei audívi, ut supra, pag. 165. et continuat usque ad Orationem, **Dirigátur**, inclusive: qua dicta, prosequitur altaris consecrationem, accedens ad altare cum mitra, et stans ante illud, deposita mitra, incipit, schola seu ministris prosequentibus, Antiphonam:


Introíbo ad altáre Dei, ut supra, pag. 162. cum omnibus sequentibus, usque ad Orationem, Deus, qui es visibílium rerum ómnium, etc. inclusive.

Qua dicta, Pontifex accepta mitra sedet, et ministri extergunt mensam altaris cum linteo mundo; et mox Pontifex thurificat super illam in modum crucis in medio, et in quatuor ejus angulis, inchoans, schola seu ministris prosequentibus, Responsorium:

Dirigátur orátio mea, sicut incénsus in conspéctu tuo Dómine.

℣. Elevátio mánuum meárum sacrificium vespertinum.

Et omnia alia deinde fiunt, prout supra ordinata sunt, usque ad finem.



DE ALTARIS PORTATILIS CONSECRATIONE.

Altaris portatilis consecratio potest fieri quocumque die, et loco, jejuno tamen stomacho.

Parantur in loco, ubi consecratio hujusmodi fieri debet, in primis aliquæ Reliquiæ cum tribus granis incensi in altari recludendæ; sanctum Chrisma in vasculo, et ampulla; oleum sanctum Catechumenorum etiam in vasculo, et ampulla; media libra thuris, cujus medietas sit in granis; thuribulum cum navicula, et cochleari; vas cum prunis ardentibus; vas aquæ mundæ; vas cum cineribus; vas cum sale; vas vini; aspersorium factum de herba hyssopi; mantilia ex tela grossa ad extergendum altare consecrandum, quoties expedierit; quinque cruces parvæ factæ de candelis cæræ subtilibus; aliquæ spatulæ ligneæ parvæ, ad abradendum de altari combustiones candelarum et thuris; vas, in quo ipsæ rasuræ deponantur; duo candelabra cum duobus cereis continuo ardentibus prope Reliquias; vas cum aqua ad abluendas manus Pontificis, et medulla panis, ac mantilia pro extergendis manibus.

Pontifex igitur, paratus amictu, alba, cingulo, stola, pluviali albi coloris, et mitra simplici, si consecrationem hujusmodi publice facere velit, vel, si in camera sua, aut alio loco secreto, stolam habeat super rochetum, vel supra superpellicem, si sit regularis, ab humeris dependentem, et mitram simplicem, stans ante tabulam ipsam, sive altare consecrandum positum super aliquam mensam, vel altare, mitram in capite tenens, absolute dicit:

Deum omnipotentem, fratres carissimi, votis exsultantibus deprecemur, ut qui per omnem mundum fidem sparsit, et Ecclesiam congregavit, qui est lapis de monte sine manibus abscissus, qui angularem compagem solidavit, hanc petram serenus illustret, eamque æterno lumine irrigatam ita multiplicibus et diversis charismatibus locupletet, ut super illam, administrandam sui Corporis hostiam bene dicat, et suscipiat consecratam: Qui cum Deo Patre vivit, et regnat in unitate Spiritus sancti Deus, per omnia sæcula sæculorum.

R. Amen.

Deinde, detecto capite, genuflexus ante altare consecrandum, dicit:
Deus in adiutorium meum intende.

Quo dicto, Pontifice surgente, chorus respondet:
Dómine ad adjuvandum me festina.

Tum Pontifex, stans sine mitra in eodem loco, dicit:
Glória Patri, et Fílio, et Spirítui sancto.

Chorus respondet:

Sicut erat in principio, et nunc, et semper, et in sæcula sæculorum. Amen.

Sine Allelúja. Et id eisdem modo et loco secundo, et tertio fit, voce semper altius elevata.

Quibus dictis, Pontifex stans in eodem loco cum mitra, benedicit aquam cum sale, cinere, et vino, incipiens absolute exorcismum salis, prout habetur supra sub Ecclesiæ Dedicatione, pag. 131. usque ad Orationem

Omnipotens sempitærne Deus, creátor, et conservátor humáni generis, etc. ut pag. 132. inclusive, hoc salvo, quod ubicumque fit mentio de Ecclesiæ consecratione, dicit solum de altaris, vel tabulæ.


Aqua igitur benedicta, Pontifex, retenta mitra, stans ante altare intingit pollicem dexteræ manus in aqua prædicta per eum benedicta; et cum eo, et aqua hujusmodi facit crucem in medio tabulæ, vel altaris, dicens:

Sancti ✠ ficétur, et conse ✠ crétur hæc tábula. In nómine Pa ✠ tris, et Fi ✠ lii, et Spíritus ✠ sancti. Pax tibi.

Deinde facit ex eadem aqua cum eodem pollice quatuor cruces in quatuor cornibus altaris, repetens in qualibet cruce verba præmissa:

Sancti ✠ ficétur, et conse ✠ crétur hæc tábula, etc.

Facit autem primam crucem in dextera parte posteriori lapidis, id est, Evangelii, secundam in sinistra parte anteriori transversa primæ, tertiam in dextera anteriori, quartam in sinistra posteriori tertiæ transversa in hunc modum:



Quo facto, inchoat, ministris prosequentibus, Antiphonam:

Aspérge me * Dómine hyssópo, et mundábor: lavábis me, et super nivem dealbábor.

Psalmus 50. Miserére mei Deus: * secúndum magnam misericórdiam tuam.

Et totus dicitur ut supra, pag. 64. sine Glória Patri. Sed in fine repetitur ipsa Antiphona, et interim, dum dicuntur Antiphona, et Psalmus prædicti, Pontifex cum mitra aspergit cum aspersorio de herba hyssopi facto de ipsa aqua tabulam, per ejus circuitum tribus vicibus. Quo facto, tabula abstergitur cum mundo panno lineo; deinde Pontifex, deposita mitra, dicit:

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spírítu tuo.

Orémus.

Deus, qui es visibílium ómnium rerum et invisibílium cónditor, et cunctárum sanctificatiónum consecrator, ad dedicatióem hujus domínicae mensae adesse dignáre; et quae sacráto Oleo, et Chrismate a nobis indignis est linienda, et benedicenda, tuae sanctificatiónis in eam infúnde virtútem et consecratióem; ut omnes qui ad eam te deprecáturi accésserint, tuae propitiatiónis auxiliúm sésentiant. Per Christum Dóminum nostrum.

R. Amen.

Tum inchoat, ministris prosequentibus, Antiphonam:

Dirigátur * orátio mea sicut incensum in conspéctu tuo Dómine.


Qua incepta, Pontifex, accepta mitra, thurificat tertio tabulam per circuitum ejus. Finita incensatione, Pontifex inchoat, ministris prosequentibus, Antiphonam:

Eréxit Jacob * lápidem in titulum, fundens óleum désuper.

Psalmus 83. Quam dilécta tabernácula tua Dómine virtútem! * concupíscit, et déficit ánima mea in átria Dómini.

Et totus dicitur prout supra habetur in benedictione et impositione primarii lapidis, pag. 119, sed in fine non dicitur Glória Patri.

Dum Antiphona et Psalmus dicuntur, Pontifex stans cum mitra, intingit pollicem dexteræ manus in oleum Catechumenorum, et cum eo facit quinque cruces, videlicet, in medio altaris, et quatuor ejus cornibus, in locis, in quibus fecerat cruces de aqua benedicta, videlicet, primam in medio altaris, secundam in dextero cornu posteriori, id est, Evangelii, tertiam in sinistro anteriori, quartam in dextero anteriori, quintam in sinistro posteriori, hoc ordine:



Dicens, dum singulas cruces facit:

Sancti ✠ ficétur, et conse ✠ crétur hæc tábula. In nómine Pa ✠ tris, et Fí ✠ lii, et Spírítus ✠ sancti. Pax tibi.

Deinde Pontifex inchoat, ministris prosequentibus, Antiphonam:

Dirigátur * orátio mea sicut incensum in conspéctu tuo Dómine.

Et dum Antiphona dicitur, Pontifex thurificat semel tabulam per circuitum; deinde, restituto thuribulo, et Antiphona finita, deposita mitra, dicit:

Orémus. Et ministri: **Flectámus** génua. **R.** Leváte.

Adsit Dómine misericórdia tua ineffábilis píetas: et super hanc tábulam opem tuæ bene ✠ dictionis, et virtútem tuæ unctiōnis infúnde; ut, te largiēte, réferat præmíum quisquis intúlerit votum. Per Christum Dóminum nostrum.

R. Amen.

Oratione finita, Pontifex inchoat, ministris prosequentibus, Antiphonam:

Mane surgens Jacob * erigebat lápidem in titulum, fundens óleum désuper, votum vovit Dómino: vere locus iste sanctus est, et ego nesciébam.

Psalmus 91. Bonum est confitéri Dómino, * et psállere nómini tuo Altíssime.

Et totus dicitur prout supra habetur sub Dedicatione Ecclesiae, pag. 149. Et in fine non dicitur Glória Patri.

Incepta Antiphona, Pontifex, accepta mitra, facit iterum quinque cruces cum pollice de eodem oleo Catechumenorum in eisdem locis altaris, et eo ordine, prout prius fecit, dicens, dum singulas cruces facit:

Sancti ✠ ficétur, et conse ✠ crétur hæc tábula. In nómine Pa ✠ tris, et Fí ✠ lii, et Spírítus ✠ sancti. Pax tibi.

Deinde Pontifex inchoat, ministris prosequentibus, Antiphonam:

Dirigátur * orátio mea sicut incensum in conspéctu tuo Dómine.

Interim dum Antiphona dicitur, Pontifex, retenta mitra, thurificat iterum semel tabulam per circuitum. Quo facto, Pontifex, deposita mitra, dicit:

Orémus. Et ministri: **Flectámus** génua. **R.** Leváte.

Adésto Dómine dedicatióni hujus mensae tuæ, et in eam quæ a nobis indignis sancto liníta est óleo, bene ✠ dictionis et sanctificatiónis tuæ virtútem et consecratióem infúnde: Qui vivis et regnas Deus, per ómnia sácula sáculórum. **R.** Amen.

Qua finita, Pontifex incipit, schola seu ministris prosequentibus, Antiphonam:

Unxit te Deus, * Deus tuus, óleo lætítia præ consórtibus tuis.

Psalmus 45. Deus noster refúgium, et virtus: * adjútor in tribulatióibus, quæ invenérunt nos nimis.

Et totus dicitur prout habetur supra sub Dedicatione Ecclesiae, pag. 152. Et in fine non dicitur Glória Patri.

Incepta Antiphona, Pontifex, accepta mitra, iterum facit quinque cruces de sancto Chrismate cum pollice dexteræ manus in medio tabulæ altaris, et in quatuor ejus angulis ordine supra posito, ad quamlibet crucem dicens:

Sancti ✠ ficétur, et conse ✠ crétur hæc tábula. In nómine Pa ✠ tris, et Fí ✠ lii, et Spírítus ✠ sancti. Pax tibi.

Deinde Pontifex, accepto thuribulo a Sacerdote incensante, imposito et benedicto incenso, stans cum mitra inchoat, et schola seu ministri prosequuntur, Antiphonam:

Dirigátur * orátio mea sicut incensum in conspéctu tuo Dómine.

Qua incepta, Pontifex, retenta mitra, iterum semel thurificat tabulam per circuitum; deinde, deposita mitra, dicit:

Orémus. Et ministri: Flectámus génuá. *R.* Leváte.

Exáudi nos Deus noster, et precum nostrárum libénter áccipe vota, et altáre hoc ad celebránda divína mystéria præparátum cœléstis unguénti odóre aspérge, et arómata divínæ sanctificatiónis illi infúnde: et sicut lápidem Jacob Patriárchæ eréctum unguénti perfusióne dicásti, et Angélicis visióibus per scalam gradus Ecclésiæ figurásti, sic quoque super hunc lápidem altári coaptándum cœléstis grátiam sancti ✠ ficatiónis immítte; ut dum tibi super eum sacri Córporis et Sánguinis unigéniti Filii tui mystéria consecrántur, peténtibus peccáta dimittántur, et meréntibus ínfluas grátiam sempitérnam. Per Christum Dóminum nostrum. *R.* Amen.

Oratione dicta, Pontifex, accepta mitra, intingit pollicem dexteræ manus in sanctum Chrisma, et cum eo signat confessionem, id est, sepulchrum, in quo Reliquiæ sunt reponendæ, in medio formando signum, dicens:

Conse ✠ crétur, et sancti ✠ ficétur hoc sepúlchrum. In nómine Pa ✠ tris, et Fí ✠ lii, et Spíritus ✠ sancti. Pax huic dómui.

Deinde, deposita mitra, recondit veneranter Reliquias cum tribus granis thuris in tabula, sive altari, et sepulchrum Reliquiarum hujusmodi claudit. Quo facto, adhuc stans sine mitra, dicit:

Orémus.

Deus, qui ex ómnium cohabitatióne Sanctórum ætérnum majestáti tuæ condís habitáculum, da ædificatióni tuæ incrementa cœléstia; et præsta, ut quorum hic Reliquias pio amóre compléctimur, eórum semper méritis adjuvémur. Per Christum Dóminum nostrum.

R. Amen.

Tum inchoat Pontifex, schola seu ministris prosequentibus, Antiphonam:

Ecce odor filii mei, * sicut odor agri pleni, cui benedixit Dóminus: crêscere te fáciat Deus meus sicut arénam maris, et donet tibi de rore cœli benedictiõem.

Ps. 86. Fundaménta ejus. pag. 122.

Et non dicitur Glória Patri.

Dum Antiphona, et Psalmus prædicti dicuntur, Pontifex, accepta mitra, fundit, et spargit oleum Catechumenorum, et sanctum Chrisma; manu dextera confricans, liniens, et perungens totum lapidem.

Finito Psalmo, Pontifex stans cum mitra, dicit:

Lápidem hunc, fratres caríssimi, in quo unguéntum sacræ unctiúnis effúnditur, ad suscipiéndá pópuli sui vota, et sacrificia, orémus ut Dóminus noster bene ✠ dícat, et cónse ✠ cret, et quod est unctum a nobis, sit unctum in nómine ejus; ut plebis vota suscipiat, et altári per sacram unctiõem perfécto, dum propitiatiõem sacrórum impónimus, ipsi propitiátóres Dei esse mereámur. Per Jesum Christum Dóminum nostrum: Qui cum eo, et Spíritu sancto vivit, et regnat Deus, in sácula sæculórum.

R. Amen.

Quo dicto, inchoat, schola seu ministris prosequentibus, Antiphonam:

Ædificávit Móyses * altáre Dómino Deo, ófferens super illud holocaústa: et immolans víctimas; fecit sacrificium vespertinum in odórem suavitatís Dómino Deo, in conspéctu filiórum Israél.

Qua finita, stans adhuc cum mitra Pontifex, dicit:

Dei Patris omnipoténtis misericórdiam súpplices implorémus, fratres caríssimi, ut altáre hoc sacrificiis spirituálibus imbuéndum, nostræ vocis exorátus officio præsentí bene ✠ dictione sanctíficet, atque in eo semper oblatiões famulórum suórum stúdio sanctæ devotiúnis impósitas bene ✠ dícere, et sancti ✠ ficáre dignétur, et spirituáli placátus incénso précibus familiæ suæ promptus exauditor assistat. Per Christum Dóminum nostrum. *R.* Amen.

Deinde benedicit incensum super altare cremandum, et stans ibidem, deposita mitra, dicit:

V. Dómine exáudi oratiõem meam.

R. Et clamor meus ad te véniat.

V. Dóminus vobiscum. *R.* Et cum spíritu tuo.

Orémus.

Dómine Deus omnípotens, cui assistit exércitus Angelórum cum tremóre, quorum servítium spirituále et ígneum esse cognóscitur; dignáre respícere, bene ✠ dícere, et sancti ✠ ficáre hanc creatúram incénsi, ut omnes languóres, omnésque infirmitátes, atque insídiæ inimíci odórem ejus sentiéntes effúgiant, et separéntur a plásmate tuo quod pretiósio Filii tui Sáanguine redemísti; ut numquam lædátur a morsu iníqui serpéntis. Per eúmdem Christum Dóminum nostrum. *R.* Amen.

Deinde aspergit ipsum aqua benedicta, et accepta mitra, format propria manu ex ipso quinque cruces, quamlibet de quinque granis, super illa quinque loca altaris, in quibus cruces de aqua, Oleo, et Chrismate factæ prius fuerunt, et super quamlibet crucem thuris ponit unam crucem factam de subtili candela ad mensuram crucis de granis incensi factæ, et cujuslibet crucis capita accenduntur, ut cum ipsis thus comburatur, et cremetur. Omnibus autem crucibus accensis, Pontifex, deposita mitra, flexis coram altari genibus, inchoat, et schola seu ministri prosequuntur:

Allelúja. *V.* Veni sancte Spíritus: reple tuórum corda fidélium, et tui amóris in eis ignem accénde.

Nisi Consecratio fiat inter Dominicam Septuagesimæ, et festum Paschæ Resurrectionis Domini nostri Jesu Christi, quia tunc omissio Allelúja, dicitur Versus tantum. Quo dicto, surgit Pontifex stans ibidem versus ad altare sine mitra, et schola seu ministri dicunt Antiphonas duas sequentes:

Ascéndit fumus arómatum in conspéctu Dómini de manu Angeli.

Alia Antiphona:

Stetit Angelus juxta aram templi, habens thuríbulum aúreum in manu sua; et data sunt ei incénsa multa; et ascéndit fumus arómatum in conspéctu Dei. Sine Allelúja.

Quibus finitis, Pontifex adhuc stans ante altare sine mitra, dicit:

Orémus. Et ministri: Flectámus génuá. *R.* Leváte.

Hujus altáris, Dómine, holocaústum sancti Spíritus tui grátia infúsum in odórem tuæ suavitatís ascéndat. Per Christum Dóminum nostrum. *R.* Amen.

Post hæc combustis candelis et thure, cineres illius combustionis per unum ex ministris cum spatulis ligneis abraduntur, et collecti in aliquo vase projiciuntur in sacrarium. Interim Pontifex sine mitra stans ante gradus altaris versus ad altare, dicit:

Orémus.

Súpplices tibi, Dómine Deus Pater omnípotens, preces effúndimus, ut metálli hujus expolítam matériam supérnis sacrificiis imbuéndam ipse tuæ ditáre sancti ✠ ficationis ubertáte dignéris, qui quondam legem in tábulis scripsísti lapídeis. Per Dóminum nostrum Jesum Christum Fílium tuum: Qui tecum vivit, et regnat in unitáte Spíritus sancti Deus.

Deinde eodem modo stans, mediocri voce, extensis manibus ante pectus, dicit Præfationem hanc:

Per ómnia sæcula sæculórum. *R.* Amen.

V. Dóminus vobíscum. *R.* Et cum spírítu tuo.

V. Sursum corda. *R.* Habémus ad Dóminum.

V. Grátias agámus Dómino Deo nostro.

R. Dignum et justum est.

Vere dignum et justum est, æquum et salutáre, nos tibi semper, et ubique grátias ágere, Dómine sancte, Pater omnípotens, ætérne Deus: Qui post offendícula lapsus primi hóminis, instituísti tibi offerri propitiatórii delibaménta libáminis; ut culpa, quæ præcésset per supérbiam, futúris tempóribus expiarétur per múnera, quibus honoraréntur altária, honorificaréntur et templa. Quod tibi primus Noë præparávit officio, rursus Abraham immolatúrus filium, dehinc Jacob érigens et ungens lápidem in títulum. Te Redémptor mundi exorámus, ut lápidem istum, seu mensam, in honórem tuum, gloriosæque Vírginis Mariæ, et ómnium Sanctórum, conse ✠ cráre, et sancti ✠ ficáre dignéris benedictiónis tuæ illápsu, má nibus nostris opem tuæ benedictiónis infúdens, et sacri hujus mystérii sicut institútor, ita étiam et sanctificátor appáre, qui te angulárem lápidem, et saxum sine má nibus abscíssum nominári voluísti. Inhæreas hic plácido ætérnæ majestátis obtútu, ut quidquid sacro ritu super hoc immolábitur, sicut Melchisedech oblátum tibi pláceat holocaústum. Adsit misericórdiæ tuæ ineffábilis píetas: ut, te largiénte, réferat præmium, quisquis intúlerit votum.

Quod sequitur dicit submissa voce legendo, ita tamen quod a circumstantibus audiatur.

Per Dóminum nostrum Jesum Christum Fílium tuum: Qui tecum vivit, et regnat in unitáte Spíritus sancti Deus, per ómnia sæcula sæculórum. *R.* Amen.

Præfatione finita, Pontifex inchoat, et schola, seu ministri prosequuntur, Antiphonam:

Confirma hoc, Deus, * quod operátus es in nobis, a templo sancto tuo, quod est in Jerúsalem. *V.* Glória Patri, et Fílio, et Spíritui sancto. *R.* Sicut erat in princípío, et nunc, et semper, et in sæcula sæculórum. Amen.

Deinde repetitur Antiphona. Qua dicta, Pontifex sine mitra dicit:

Orémus.

Quæsumus, omnípotens Deus, universárum rerum rationábilis Ártifex, qui inter céteras creaturárum formas lapídeum metállum ad obséquium tui sacrificii condidísti, ut legítimæ libatióni præpararétur altáre: ánnue dignánte, ut quidquid hic oblátum sacratúmve fúerit, nómini tuo assúrgat, Religióni proficiat, spei innitátur, et fidei sit honóri. Per Christum Dóminum nostrum.

R. Amen.

Postea inchoat, schola seu ministris prosequentibus, Antiphonam:

Omnis terra * adóret te Deus, et psallat tibi: psalmum dicat nómini tuo Dómine.

Qua incepta, Pontifex, accepta mitra, thurificat super tabulam in modum crucis, deinde, deposita mitra, dicit:

Descéndat, quæsumus Dómine Deus noster, Spíritus tuus sanctus super hoc altáre, qui et dona nostra, et pópuli tui in eo sanctificet, et suméntium corda dignánte emúndet. Per Christum Dóminum nostrum. *R.* Amen.

Postremo extergitur tabula per ministros cum panno lineo. Tum Pontifex parat se ad celebrandum si voluerit, vel facit per aliquem Sacerdotem super dictam tabulam consecratam Missam celebrari.

Missa dicitur ut in Missali, in ipsa die Dedicationis altaris.

